



# Pysyrō Oúva Ciélogui

CO LIBROMI

NDICATUI OÑEVENDE

WATSON GOODMAN RUPI

# PYSYRŌ OÚVA CIÉLOGUI

**“PYSYRŌ OÚVA CIÉLOGUI”** Ha'e peteñ colección ñe'ẽ porãvopy réva oñenohëva pe Santa Escriptúragui. Aroviá añetehape, pe comentario iporãvéva pe Santa Biblia voínte oguereko.

Ñandeyára ñe'ẽ “Oúva Ciélogui” ha'e añete, heta ideprove cho umi ipy'añembyahýiva ha iyyuhéiva teko marangatu rehe. Pe cuimba'e oñearrepentirõ oabandonapá pe pecado. Oconvida Ñandeyára oucovehaguã pe icorazõme, ha oyero viá ypy'apýguive Jesucristo ha'e ha pe isalvador. Ñande yára voi oñemanifesta pe cuimba'e onace yevy pyahúvape, omoñ tory ha ñerane'ŷ icorazõme. Che voi ahupyty ko'ãmba'e, 1937; ha upetéguive, aico Ñandeyárändie. Co cuatiá ñe'ẽ pa hape, ayerure ndéve co'ãnga, reaccepta haguã Ñandeyára Jesucristo nde Salvadorcha. Ndereyapói ramo gueteri, eyapo co'ãnga.

—Watson Goodman (1920-2002)

# ÑANDEYÁRA MBORAYHU

**Jeremia 31:3**

Tupã Ñandeyára oñemanifestava'ekue cheve ymaiteguive He'irõ: Pe mborayhu apyre'ý pype rohayhu, ha mbotuvichá Che misericordia.

**Juan 13:1**

Pe pascua arete ára mboiyéma. Jesúis oikuaa oguahemahá hi'ára oho haguã ko yvy árigui, Tupã rendápe; ha'e tapia ohayhuva'ekue umi imba'eva ko'a yvy ariguápe, ha ko'ânga ohechauka ichupe kuérá pe imborayhu tuichakue.

**Apocalipsis 1:5**

Ha Jesucristo, pe testigo fiel, mborayhu ha py'aguapy oí pe-

nendive. Jesucristo niko pe oikove yevy va'ekue tenonderã omanóva apytígui yvy arigua mburuvicha guasu kuéra Ruvicha. Ha'e ñande rayhu ha ñane motí va'ekue ñande pecado kuéragui huguýpe.

**Juan 3:16**

Peichaite voi ohayhúgui Tupã yvórape niko ome'ẽ Ta'yra ha'eñomiva, opa oyeroroviáva hese ani oñehunditei, hekove apyre'ýnte haguã.

**Romayguape 5:8**

Tupã Ñandeyára katu ohechauka ñandeve imborayhu, Cristo omano pype ñande rehe, pecador ramo yepe gueteri ñande kuéra.

# PE CRISTO DEIDAD

**Mateo 1:22, 23**

Opa ko'ā mba'e oyehu va'ekue oiko haguā hekoítépe pe Ñandeyára he'i va'ekue ñemdñe'ēhára rupi; Pe kuñataī imara'ŷva hyeguasúta ha imemby kuimba'eta, ha pe imemby hérata Emanuel, he'iséva, Tupā Ñandeyara ñanndive.

**Juan 14:9, 10**

Jesus he'i ichupe: Felipe, hetaité árama niko aime penendive, ¿ha piko ne'ira che kuaa? Pe chéve che recháva, ohecha che Rúpe, ha upéicharamo, ¿piko mba'erehe reyerure chéve ahechauka haguā peẽme che Rúpe?

¿Ndereroviái piko che aimeha pe che Rúpe ha pe che Ru oihá che pype? Umi mba'e che ha'éva peẽme, nda'ei che yehegui rei, che Ru uvei che pype oiva ha ombo'apóva hina.

**Juan 1:1, 14**

Opaite mba'e oiko ñepyrú ramo, oíma va'ekue pe Tupā Ñandeyára Ne'ẽ; ha upe Ne'ẽ oí va'kue Tupā Ñandeyára ndive ha ha'e Tupā Ñandeyára voi. Ha pe Tupā Ñandeyára Ne'ẽ oiko kuimba'e ramo ha oiko sapy'a va'ekue ñande apytépe, mboray hu ha aňetégui henyhété. Ore rohecha va'ekue iglória, pe Túva Ra'y peteňetéva gloria teete.

## I Juan 4:15

Oimeraëva he'íva Jesús ha-eha Tupā Ñandeyára Ra'y, oī Tupā Ñandeyára ndive ha Tupā Ñandeyára oī ipype.

## Isaias 9:6

Peteī mitāmi onace kuri ñandeve, Ta'yra oñeme'ẽ ñandeve. Pe iprincipado iyatiy'ári; oñehe-nóiva'erā: Consejero, Admirable, Tupā mbareté, Túva apyre'ŷ, ha pe ñerane'ŷ Príncipe.

## Lucas 1:35

Pe ángel he'i ichupe: Espíritu Santo pu'aka oúta nde ári, ha pe

Yvatetegua pu'akakue ne mo'-āta peteī araícha. Upévarehe pe mitā marangatu onacétava nde hegui hérata Tupā Ñandeyára Ra'y.

## Colosayguápe 2:9

Opa pe Tupā Ñandeyára reko niko oïmbá voi Crístopo.

## Mateo 17:5

Pedro oñe'ẽ yave gueteri hi-na, peteī araí omimbipáva oya-ho'i ichupe kuéra; ha pe araígi oñehendu peteī ñe'ẽ he'íva: kóva ha'e che Ra'y ahayhuetéva, che mbovy'aitéva pehenduke ichupe.

# CRISTO OMOMBEU MÁVAPA HA'E

## Juan 10:7

Upéramo Jesús he'i yevy ichupe kuera: Añetehápe ha'e peẽme: Che ha'e pe okẽ oike haguã umi ovecha kuéra.

## Juan 8:58

Añetehápe ha'e peẽme che Abraham mboyve guareha.

## Juan 8:23

Jesús upéramo he'i ichupe kuéra: Peẽ niko ko'a yvy arigua, che katu yvága pegua; peẽ niko yvypóra, che katu ndaha'ei yvypóra rehegua.

## Juan 11:25

Jesús upéramo he'i ichupe: Che ha'e pe yeikove yevy ha pe te-

kove. Pe oyeroviáva che rehe, omano ramo yepe, oikove yevy vaerã.

## Juan 6:35

Ha Jesús he'i ichupe kuéra: Che ha'e pe pan oporomoígovéva. Pe ouva che rendápe, máramo na iñembyahýi vaerãi; ha pe oyeroviáva che rehe, máramo nda iyy'uhéi vaerãi.

## Juan 13:13

Peẽ niko che mbohéra Mbo'-ehára ha Yára, ha peye porã, upéva niko che.

## Juan 9:5

Aime aya ko yvy ári che ha'e yvypóra kuéra resapehára.

## Lucas 5:5, 6

Ha Simón he'i ichupe: Mboé-hara, ange pyhare pukukue niko romba'apo kuri ha noroguenohēi mba'eve; upéicharamo yepe nde erégui aitýta pe red. Ha oitývo omboty hikuái ipype heta eterei pirá kuéra ha oñepyrū osoro umi red kuéra.

## Mateo 14:19-21

Ha omboguapyuka umi géntepe kapi'ipépe ha upéi katu oya-pypy ipópe umi cinco pan ha mokõi pirá ha oma'evo yvága rehe ohovasa ha oipese'ã umi pan. Upéi ome'ẽ hemimbo'e kué-rape ha ha'e kuéra ome'ẽ umi

géntepe. Ha opavave ho'u ha hyvatambá. Upéire omohenyhē hikuái hembyrëgui doce ayaká. Ha umi okaru va'ekue niko cinco mil kuimbr'e rupi, oyepapa'ý rehe kuña ha mitā kuéra.

## Mateus 20:30, 34

Ha oĩ upépe mokõi ohechaýva oguapýva hina tape yképe, ha ohendúvo Jesúس ohasaha ohóvo, osapukái hikuái: ¡Karai, Davi ra'y, oreporiahuverekomina! Ha Jesús oporiahuverekonte ichupe kuéra ha opoko hesa kuéra rehe. Ha upévovete umi ohecha'ý va'ekue ohecha ha oho Jesús rapukuéri.

## **6 JESUCRISTO HA'E CREADOR HA ÑANDEYÁRA**

### **Romayguápe 14:9**

Upevarā voí Cristo omano  
va'ekue ha oikove yevy: oiko  
haguā omanóva ha oikovéva  
Yára ramo.

### **Hebreo Kuérape 1:2**

Ha ko'ā ára pahávo oñe'ē  
ñandeve Ta'yra rupi, ha ichupe  
omoī va'ekue heredero ramo o-  
paite mba'epé ha ha'e rupi oya-  
po va'ekue opa oīva.

### **Colosayguápe 1:16**

Ha'e rupi Tupā Ñandeyára  
oyapo va'ekue opaite mba'e oīva  
yvágape ha yvy ári, umi mba'e  
oyehecháva ha umi oyehacha'-

ŷva, mburuvicha guasu kuéra,  
umi ipoguýpe kuéra oporoguere  
kóva, autoridad ha pu'aka ku-  
éra yvága ha yvy pegua, opa  
umi mba'e oiko va'ekue ha'e  
rupi ha ichupe guarā.

### **Juan 1:3**

Ha'e rupi Tupā Ñandeyára  
oyapo va'ekue opaite mba'e; ha  
mba'evete ndoyapói Tupā Ñan-  
deyára hese'ŷ.

### **Hechos 2:36**

Toikuaa porâke Israel retâ,  
ko Jesúis, peẽ pemosaingo va'e-  
kue kurusu rehe, Tupā Ñande-  
yára oyapo hague ichugui Mbu-  
ruvicha Guasu ha Cristo.

# JESUCRISTO YVYPÓRA KUERA JUEZ

7

## Mateo 25:32

Ha opa tetāmegua kuéra, oñebyatypa vaerā henondepe, ha ha'e oipe'a vaerā oyuehegui, ku ovecha rerekua oipe'a háicha iyo'vecha kuéra, ikavara kuérogui.

## II Timotéope 4:1

Tupá Ñandeyára ha Ñandeyára Jesucristo renondépe, ou vaerā iréinope ojuzgavo oikovevápe ha omanóvape, oyerure yevy yevy ndéve.

## Romayguápe 2:16

Pe Tupá Ñandeyára ojuzga haguā árape opa yvypóra kuéra mba'e ñemimby Jesucristo rupi, ko Evangelio che amoherakuáva he'i háicha.

## Juan 5:22

Ha pe Túva ndojuzgáiri avavépe, Ta'yrape uvei ome'embá autoridad oporojuzga haguā.

## Hechos 10:42

Ha he'i oréve roñemoñe'ē ha roikuaka haguā opavavépe Tupá Ñandeyára omoihá ko Jesús etépe voī oikovéva ha ománova Juez ramo.

## Romayguape 14:10

¿Ha pikó nde mba'erehe rejuzga nde rapichape? Terā nde, ¿piko mba'erehe ndereyapói mba'evéramo nde rapichápe? Ko opavave yaha va'erā Cristo tribunal renondépe yayejuzga haguā.

# CRISTO RUPINTE OTI REDENCIÓN

## Juan 10:9

Che ha'e pe okē; pe che rupi oikéva oyesalva vaerā. Ha ha'e vaerā ku ovecháicha oike ha oséva korágui ha oyuhúva hembi'-urā.

## Juan 14:6

Jesús he'i ichupe: Che ha'e pe tape, ha che ha'e pe añete ha che ha'e aveí pe tekovete. Che rupi mante ikatu oñeguahē che Ru rendápe.

## Hebreo Kuérape 5:9

Ha pe iyehasa asy rupi oñem-boheko marangatuetéma ramo, oiko ichugui pe salvación tapia guaráva apohara opa umi ichupe iñe'ērendúvape.

## Hebreo Kuérape 7:25

Upevarehe, ikatu osalva tapia guarā umi oguahēvape ha'e rupi Tupā Ñandeyára rendápe, oikovégui tapia guarā oroga haguā hese kuéra.

## Hechos 4:12

Mavave ambue rehe ndaipori salvación, ndaipórigui téra ambue yvy ári oñeme'ē va'ekue yvy-póra kuérape ikatu vaerā rehe yayesalva.

## Juan 8:24

Upévarehe ha'e kuri peẽme pemanotaha pende pecádope, perrovia'ŷ ramo che ha'eha pe ha'éva, pemanóta pende pecádope.

## Títope 2:14

Ha'e ome'ẽ va'ekue hekove ñande raihupápe, ñande pe'a haguã opa mba'e ivaívagui ha ñane mopotí haguã imba'e teerã, hakate'ýva tembiapo porã rehe.

## I Corintoyguápe 1:30

Opáichavo, Tupã Nandeyára voí pene mopelei Cristo Jesús ndive ha oyapo avei Cristo oiko haguã ñandéve arandu ramo, ha Cristo rupi ñande culpa'ý haguã, ñane marangatu haguã ha yayesalva haguã.

## Colosayguápe 1:12-14

Ha ta peme'ẽ las gracias ñande Rúpe iya haguérehe ñandé-

ve. Ha'e rupi yahupyty haguã umi Tupã Nandeyára mba'eva mba'erã oíva tesapehápe. Tupã Nandeyára ñane renohẽ va'ekue pytunguygúgui ha ñane moí Ita'yra ohayhuetéva réinope. Ha'e niko ñande salva hugui rupi, ha operdonamba ñande pecado kuéra.

## Apocalipsis 5:9

Ha opurahéiyoa peteí purahéi ipyahúva he'iva: Ndéve iya reyaphývo pe kuatiañe'ẽ apakuapy ha reipe'a umi isello kuéra, reyuka haguérehe, ha nde ruguýpe ore yogua va'ekue Tupã Nandeyára peguarã, opaichagua tribu, ñe'ẽ, tetã ha tetayguá.

## **10 JESUCRISTO RUGUÝRENTE OÍ SACRIFICIO**

### **I Juan 1:7**

Yaiko ramo tesapeha rendýpe katu, pe Tupã Ñandeyára oí háicha tesape rendýpe upéicharamo ñaime oñendive kuéra peteí py'ápe ha Ta'yra Jesucristo ruguy ñane mopotí opa ñande pecádogui.

### **I Pedro 1:18, 19**

Peikuaa porãgui Tupã Ñandeyára pende salva hague pe pende rekovekue maraverãgui peru va'ekue pende ru ypykuéragui; ha upe salvación repy ndaha'éi hague mba'e opa vaerã óro terã plátricha, Cristo ruguy repy ete voí rupi katu uvei, omano

va'ekue peteí ovecha ra'y kuave'embý oimbá porã ha imarã'ývai-chá.

### **Hebreo Kuérape 9:14**

Pe Cristo ruguy makatu, pe Espíritu eterno rupi, oñekuave'ẽ va'ekue oyupe voí marã'ý reche Tupã Ñandeyárape omopotí Vae-rã ñande, py'apy umi tembiapo mano reheguágui, ikatu haguã yaservi Tupã Ñandeyára oikové-vape.

### **Efesoyguápe 1:7**

Ha'e niko ñande salva va'ekue huguy rupi, operdona pype ñande pecado kuéra, tuichaite niko pe imborayhu.

## Romayguápe 5:1

Upéicha rupi, yayererekó ri-re heko potíva ramo yayerovia rupi ñande py'aguapy Tupā Ñandeyára ndive Ñandeyára Jesucristo rupi.

## Galaciayguápe 5:6

Ñañemopetei ramo Cristo Jesús ndive, mba'eve nde'iséi ñañe circuncidápa ra'e terápa aháni, pe tekotevéva añete niko ta yayerovia ha pe yerovia ta ñane moingo mborayhúpe.

## Efesoyguápe 2:8, 9

Peē niko peyesalva Tupā Ñandeyára mborayhu rupi, peyero-via haguérehe. Kóva ndaha'éi mba'e peē voí peyapo va'ekue ru-

pi, Tupā Ñandeyára remime'ente. Mavave ndoguerekói mba'erehe-pa oyererovu haguã, pe salvación ndaha'éigui tembiapo porã rupi.

## Juan 6:28, 29

Upéramo oporandu ichupe: ¿Mba'epa royapo vaerã royapo haguã umi mba'e Tupā Ñandeyára oyerureva? Jesús he'i ichupekuéra: Tupā Ñandeyára oipo-ta perovia pe ha'e ombou va'e-kue rehe.

## I Juan 5:4

Opa Tupā Ñandeyára ra'y a-nétéva ipui'aka ko mundo rehe. Kóva niko pe ñane mbopu'akáva ko mundo rehe, ñande yerovia.

**Salmos 103:11**

Pe yvága iyyvatebáicha pe yvy  
árogui, upéicha niko oñemomba'e  
guasu vaerā pe imisericordia umi  
oyeroviáva ári.

**Salmos 103:17**

Upe Tupā Ñandeyára misericordia niko ha'e voí eternidad  
guive, ha pe eternidad toí umi  
oyeroviáva ári. Ha pe ijusticia toí  
avei umi ta'yra ha pe ita'yra  
kuérandive.

**Migueas 7:18**

¿Mávapa ndéicha Tupā Ñan-  
deyára operdonava pevvypóra  
maldad, ha hesaráiva umi ire-  
manente heredad pecadogui? Tu-

pá Ñandeyára niko no ñemyrōi  
tapiá, oguerekonte uvei tory pe  
imisericordia rupi.

**Lamentaciones 3:22, 23**

Tupā Ñandeyára misericordia  
rupi ha'e pe causa neirāha ñañe-  
consumi. Pe pyharevé ipyahu ta-  
piá. Ha tuicha pe ifidelidad.

**Títope 3:5**

Ñande avei niko yma va'ekue  
ñañehun di ñande vyrokuépe  
ha ñane ñe'ērendu'ýme opaicha-  
gua mba'e pota ha vy'a rembiguái  
ramo. Yaiko va'ekue tembiapo  
vaí ha envídiape na ñande a'éi-  
mi ñande rapicha kuéra rehe ha  
ha'e kuéra ndaiya'éi ñande rehe.

**Lucas 19:10**

Ko kumba'éicha ou va'ekue  
yvy ári oúgui ohekávo ha osal-  
vávo pe oñehundi va'ekue.

**Mateo 11:28**

Peyupa che rendápe peē pe-  
ne kane'ō ha pemba'apo pohýiva,  
ha che pomombytu'úta.

**Isaias 55:1**

Opa umi iyy'uheivápe: Eyú pe  
y porame, ha umi ndoguerekoi-  
va plata, eyú peyoguá ha pe'ú.  
Eyú, peyoguá plata'ŷre ha pre-  
cio'ŷre vino ha kanbý.

**Apocalipsis 22:17**

Pe Espiritu Santo, ha pe O-  
vecha Ra'y rembireko, he'i: E-  
yú. Ha pe ohendúva, te'i: Eyú.

Ha pe iyy'uheiva, ha ouséva,  
tou ha toy'ú pe ý oporomoingové-  
vagui, reiete.

**Isaias 1:18**

Eyú pya'eke, he'i Tupā Ñan-  
deyára, ha ñaime porâme. Pe  
nde pecado kuéra ha'e ramo pe  
granaicha, nieveicha imorotí vae-  
rã, ha rojo ramo katu upe carme-  
sicha, pe blanca lanaicha ipotí  
vaerã.

**Juan 7:37**

Pe arete ára paha oñemom-  
ba'eguasuvémi. Upeha árape Je-  
sús opu'ā oñembo'y ha he'i ichu-  
pe kuéra: Oime ramo iyy'uhéiva,  
tou che rendápe ha toy'u.

**Juan 1:12**

Upéicharamo yepe, oī va'ekue orecibíva ichupe ha oyerovia va'e-kue hese; umívape ome'ẽ oiko haguā ichugui kuéra Tupā Ñandeyára ra'y.

**Romayguápe 8:14, 15**

Opa umi oisambyhývape Tupā Ñandeyára Espíritu umíva Tupā Ñandeyára ra'y. Pe Espíritu oñeme'ẽ va'ekue peẽme ndaha' éi tembyguái espíritu pene monghyye yevy haguā, oñeme'ẽ peẽme pe Espiritu oyapóva pende hegui Tupā Ñandeyára ra'y uvei. Ha upe Espíritu rupi ya'e: "¡Che Ru!"

**II Corinto yguápe 6:17, 18**

Upévareheke: Pesē iyapytégui kuéra, ha peyei ichugui kuéra, he'i Ñandeyára; ha ani pepoko mba'e ky'a rehe. Ha che pomoguāhēta, ha cheve ha'eta pende Ru, ha peẽ ha'eta che ra'y ha che rayy kuérata, he'i pe Ñandeyára ipu'akapáva.

**Filipoyguápe 2:15**

Ani haguā avave oyuhu pende rehe, mba'eve ivaīva terã peyeyavy hague, ta peiko uvei tekove vai kuéra ñaña apytépe Tupā Ñandeyára ra'y kuéraicha, imara'ýva, omimbívn ko móndope estrella kuéraicha pyhare.

# MBA'EPA TUPĀ HE'Í PE BEBIDA MBARETERE 15

**Isaias 5:11**

**¡Angaí umi opu ãava pyharevete ha oseguía pe ka'u pe pyhare pevé, ha ho'u pe vino ombotarová-peve!**

**Proverbios 23:31, 32**

**Ani rema'ẽ pe vino oroteaya-vépe, ha oresplandece yavé pe i-color cópape, remboiké suavemente. Ha ipahápe mbóicha oisú-ú vaerã, ha áspicha ome'ẽ vaerã pe idolor.**

**Galaciayguápe 5:19-21**

**Oyekuaa porã voí mba'épa pe yvypóra reko rembiapo, ha ko'ãva ha'e hina; yoguerekó menda'ý rehe, mba'e ky'a ha teko vai. Ta'anga ñemomba'eguasu ha pa-**

**ye apo, yuayhu'ý, yuavy, celo ha pochy rei, oyupe guaranteesé, ño-rairõ, yeporodividi aty atýpe, envidia, poroyuka, ka'u, karuguasu, ha ambue mba'e ko'ãichaguá. Pomomandu'a, ha'éma haguéicha peẽme, umi upéicha oikóva ndo-ikemo'ãihá Tupã Ñandeyára réinope.**

**Romayguápe 13:13, 14**

**Yaiko ramo hekópe, ára peguá-icha. Ani ka'u ha karu guasúpe, terã teko vaiha yepokuaa vaípe, terã ñoñe'ýyopi ha py'arasy reheve ñande rapicha ndive. Upéva rangue peñemonde Ñandeyára Jesucristogui, ha ani peyapo pe yvypóra reko rembipota ky'a.**

Marcos 10:17-22

Ha osēvo ha'e oho haguā ou peteī kuimba'e ñaniháme oñesū henondépe ha oporandu ichupe: Maestro marangatu, ¿mba'epa ayapo vaerā ahupyty haguā pe tekove opa'ýva? Ha Jesús he'i ichupe: ¿Mba'erehepa ere che marangatuha? Ndaipóri imarangatuva, Tupā Ñandeyára añoite mante. Reikuaa; hembiapoukapy: "Aníke renbuai mendare, aníke reporoyuka, aníke remonda, aníke remopu'ã yapu nde rapicha rehe, aníke reipe'a rei mba'eve avavégui, emomba'e nde ru ha nde sýpe." Ha ha'e he'i: Maestro, opaite ko'ã mba'e ayapopa che

mitārusú guive. Ha Jesús oma'ëvo hese ohayhuete, ha he'i ichupe: Peteī mba'e oealta ndéve: Tere-ho eñemumba rerekóva rehe, eme'ë hepykue mboriahúpe, ha rerekóta mba'eta yvágape; upéi katu ehupi nde kurusu ha che moirū. Ha'e katu ipy'a remimbyasyete upe ñe'ë rehe, ha oho mba'embyasy reheve, oguerekógui het-a mba'e.

Proverbios 16:25

Oí tape iporävaicha pe kuimba'epe, pero pe ipahá katu, muerte katueteí vaerā.

## I Juan 3:7, 8

Che ra'y kuéra, ani peñembota-vyka, upe oyapóva pe hekoitepe-gua heko potí Jesucristoicha. Pe oikóva opeca katu aña mba'e, aña opecágui iñepyrumbý guive. Pe Tupã Nandeyára Ra'y ou va'e-kue ombuaí haguã voi pe aña rembiapokue.

## I Corintoyguápe 6:9, 10

¿Ndapeikuaái piko umi heko-pe'ý oikóva ndoike mo'ahá Tu-pã Nandeyára réinope? Anike pe-yeyavy, umi oporoguerekóva menda'ý rehe, terã ta'anga omom-ba'eguasúva, terã oméndava ha oikóva ambue ndive, terã kuim-

ba'e oguerekóva hapicha kuimba'-épe, terã omondáva, terã umi oyupe guarante oipotapáva, te-rã ika'úva, terã iyurumby'ýiva, te-rã mondaha, mavavéva umichagua ndoike mo'ahí Tupã Nandeyá-ra réinope.

## Santiago 1:22

Ha peyapo pe ñe'ê he'iva, ha anítei pehendúnte; upéicharamo niko pende yupe voínte peñembo-tavýta.

## Efesoyguápe 5:6

Aníkue avave pene mbotavy ñe'ê reípe, ko'ã mba'e voi pe oguerúva Tupã Nandeyára pochy ipohietéva umi iñe'ërendu'ýva ári.

# PECADO, BEBIDA, HA MUERTE

## Romayguápe 5:12

Pe pecado oike hagueicha yvy ári peteī kuimba'e rupi, ha pecado rupi oike pe ñemano, upéicha avei pe ñemano ohasa opavavépe, opavave opecágui.

## Romayguápe 8:6

Pe yepy'amongoeta yvypóra reko rehuela rehe ogueru mano; pe Espíritu reko rehuela rehe katu ñane moingove ha ñane mbopy'aguapu.

## Ezeguiel 18:20

Pe alma opecáva, omano vaerā katuete; ta'yra ndoguerahai-chene pe túva pecado, ni pe túva ndikatui ogueraha pe ita'yra pe-

cado. Pe justicia oī vaerā pe justo ári, ha pe ímpio ári katu oī vaerā voí pe impiedad.

## Lucas 15:32

Ko'āga katu niko tekotevē yavy'a ha ñande rory, ko nde ryvy niko omano va'ekue, ha péina oikove yevy; okañy va'ekue ha yayuhu yevy.

## Proverbios 11:19

Pe justicia oñeconducíva te-kove rupi, upéicha ha'e umi ose-guía opa umi ivaíva oyapo pe ñemano.

## Santiago 1:15

Ko'ā mba'e vaí potágui osē pecado ha pe pecado okakuááma ramo katu, hi'a pe ñemano.

## Apocalipsis 1:18

Ha pe oikovéva, Amano va'e-kue, opáichavo, ko'aga oikove tapia guarã, ha areko pe mano ha umi omanóva renda rehuela lla-ve kuéra.

## Lucas 7:14, 15

Ha Jesús oñemboya ha opoko pe tetekue rýru rehe, ha umi herahahára optya. Ha Jesús he'i pe omanóvape. Mitárusu, ndéve ha'e: ¡Epu'ã! Upévo pe omamo va'ekue opu'ã ha oñepýrû oñe'ẽ, ha Jesús ome'ẽ ysype.

## Juan 11:43, 44

Upéva he'ipavo hatã osapukái ha he'i: ¡Lázaro, esẽ okápe! Ha pe omano vaiekue osẽ, oyepokua ha oyepykuaha rehuela ha hova oyeyaho'i peteĩ pañuélope. Jesús he'i ichupe kuera. Peyorapa ha peheya toho.

## Juan 10:17, 18

Che Ru niko che rayhu chéve ame'ëgui che rekove ayapyhy yevy haguã. Ndipóri oipe'áva che hegui che rekove, che uvei ame'ẽ ame'ësegui. Iya chéve ame'ẽ haguã ha ayapyhy yevy haguã.

**Deuteronomio 5:6-21**

Upéramo Tupá Ñandeyára hasta oñe'ẽ ichupe kuéra. Che niko hina Tupá nde yára, roguenohé va'ekue Egito rembiguáigui. Nderereko vaerái tupá ambue che renondépe. Ndereyapo vaerái ta'-ãnga ha mba'evéichagua ra'ãnga, oíva yvate, ko yvy ári ha yvyguy-pe. Nereñesú vaerái henondépe, ha neremomba'e vaerái avei. Che niko hina Tupá nde Yára, mba-rete, hakate'ýva nde rehe. Aníkena reipuru Tupá Ñandeyára ñe'ëngä ramo. Nemandu'ake pe

pytu'uhá árare momarandu ha-guã. Seis dia remba'apo Va'erá ha reyapopa vaerá nerembí'apo. Ha pe siete dia ha katu Tupá Ñandeyára mandu'arã. Ehayhu ha emomba'e guasu vaerá nde ru ha nde sýpe. Aníkena eporoyuka. Aníkena epomuâkaratí ha pe yó-guereko menda'ýre. Aníkena remondá. Aníkena remboya nde rapichare oyapo'ý va'ekue. Aníkena reipota tarova nderapicha mba'eva, hembireko, hembiguái, hymbá kuéra, ha mba'eve ne-mba'e'ýva.

## Proverbios 15:3

Pe Tupã Ñandeyára resa ohe-saepá yvóra oparupi. Ha omaña voi hina pe tekovevai ha tekoveporã rembi'apórehe.

## Jeremias 23:24

¿Mávapa oimene sapý'arei okañyrô che hegui, ha pe che resa ndohechaichene vaerã? He'i Tupã Ñandeyára. ¿Sapý'areípa na mohényhembai che pe yvagua ha pe yvy? He'i Tupã Ñandeyára.

## Salmos 139:8, 12

Ha ayupirô ciélope, upepe reimene. Ha infiérnope ayaporô pe che ruparã, añete ha'e ndeve, u-

pepe reimene avei. Ni upeicha-verõ pe pýtû rupi akañyne nde hegui. Pýhare omimbe áraicha ndéve, ha pe pýtû ha pe ára lomísmonte avei.

## Lucas 8:17

Ndaipóri voi mba'e ñemimbý oyehechakuaa'ý vaerã, ha mba'e ñemihamegua oyekuaa'ý ha osê'ý vaerã hesakâháme.

## Job 34:21, 22

Tupã Ñandeyára resá oï vaerã katuete pe kuimba'e rape ári. Ha pe tekovevai oïhape katu mdai-porichene pe pýtû ha pe mano.

**Salmos 9:17**

Umi imba'e vaíva oyeguera-ha vaerā infiérnopeve, ha entero umi nación hesaraiva Tupā Ñandeyáragui.

**Mateo 13:41, 42**

Pe kuimba'eicha ou va'ekue ko yvy ári omondóta hi'ángel kuéra ombuat y ha oipe'a haguá iréinogui opa umi oporombopeca ha oyapóvape ivaíva. Oity vaerā ichupe kuéra tatakua hendývape; ha upépe oyahe'o ha opururū vaerā hāi kuéra.

**Mateo 18:8**

Nde po terā nde py ne mbopeca ramo, eikytí ha emombo mom-

byry; iporáve ndéve reike ramo pe tekove ha'etévape nde rete re-heguá'y reheve, ha anítei reyeity tata tapia guarávape nde po ha nde py mokōivé reheve.

**II Pedro 3:7**

Pe yvága ha yvy ko'ágaguá katu opyta tata peguarā, Tupā Ñandeyára ñe'ē rupi. Upe tata ohapypa vaerā yvága ha yvy juicio árape, tekovevaí kuéra oñehundi haguá árape.

**Mateo 25:46**

Ha ko'áva oho vaerā pe castigo opa'y vaerāme, ha umi imba'e poráva katu oho vaerā pe tekove tapia guarāme.

# TENONDERĀ JUÍCIO

## II Pedro 2:9

Ñandeyára oipe'akuua umi imarangatúvape pe oipy'ara'aya ichupe kuéragui ha oheykuua umi tekove tie'ýme oyecastiga haguā juicio árape.

## I Juan 4:17

Ha upéicha ramo pe mborayhu oí hekopete ñande pype yakyhy-ye'ý haguā pe juicio árape. Jesucristoichagui ñande kuéra ko mundope.

## Hechos 17:31

Omoígui peteí ára oñeporandu vaerā yvypóra kuérape hembiapokue rehe hekoitépe peteí kuimba'e ha'e oiporavo va'ekue ru-

pi; ha ohechauka va'ekue opavavépe kóva añeteha omoimgove yevýpype ichupe omanóva apytégui.

## II Corintoyguápe 5:10

Tekotevégui opavave yayechauka Cristo tribunálpe, peteí teíme oñeme'ë haguā hembiapokue rehe hetépe oiko aya hembiapo porāngué rehe terā hembiapo vakuue rehe.

## Hebro Kuérape 9:27

Ha yvypóra kuéra omano vaerā háicha peteí yevy añónte, ha uperire katu pe juicio.

## Romayguápe 14:12

Ha upéicha peteí teí oñe'ë vaerā oyehe Tupā Ñandeyárape.

**Romayguápe 9:16**

Upéicha niko ndaha'ei yaipota terã ñañeha'arehe, Tupã Ñandeyára oporoporiahuvereko rehénte uvei.

**II Corintoyguápe 8:9**

Peikuaáma niko peé pe Ñandeyára Jesucristo mborayhu: penderayhypápe, mba'eta rerekoha ramo yepe ha'e, oñemomboriahu hague pe imboriahukue rupi pene mba'eta haguã peé.

**Romayguápe 5:15**

Pe Tupã Ñandeyára ome'ëva ñandéve katu ndikatúi ñamboyo-ya pe Adán rembiapo vaikue re-he. Pe peteí kuimba'e rembiapo

vai rupi niko heta omano; pe salvación Tupã Ñandeyára ome'ë rei va'ekue ñandéve peteí kuimba'e Jesucristo, rupi katu, mba'e guasuwe ha iporã eteve hetá peguarã.

**II Corintoyguápe 9:15**

¡Name'ë las gracias Tupã Ñandeyárape, ome'ë haguerehe ñandeve hetave upe ikatu vaerägui ñamombe'u!

**Hechos 4:33**

Ha umi apóstol kuéra katu omombe'u meme tuicha pu'aka rehevè Ñandeyára Jesús oikove yevy hague omanóva apytégui ha Tupã Ñandeyára oipytyvõ mbarete ichupe kuéra.

## Lucas 13:3

Ha'e peẽme ahaniriha; ha peẽ peñearrepenti'ý ramo peñehundi-pa vaerã avei.

## Mateo 3:2

Ha he'i: Peñearrepentike, hi'a-guĩmagui pe yvága pegua reino.

## Hechos 3:19

Upévareche, peñearrepenti ha peyu Tupã Nandeyára rendápe oyei haguã pende hegui pende pecado kuéra ha ou haguã piro'ý ára Nandeyára renondégui.

## II Corinto yguápe 7:10

Pe mba'embýasy Tupã Nande-yára ndive guarã niko, ogueru pe-

teĩ arrepentimiento salvaciónrã, ha ndaipori mba'erehepa ñambý-asý haguã upéva: umi yvypóra mba'ebýasy ratu ogueru mano.

## Hechos 2:38

Pedro he'i ichupe kuéra: Peñearrepenti, ha peyebautizauka pe-teiteĩ peẽ kuérava Jesucristo ré-rape peñemopotí haguã pende pecado kuéragui, ha oñeme'ẽ haguã peẽme Espiritu Santo.

## Hechos 17:30

Tupã Nandeyára oheya rei va'-ekue yvypóra kuéra reko tavykue ýmaite guive, ko'äga katu he'i opavavépe, opárupi, toñearrepenti.

**Apocalipsis 3:20**

Pēina che aime ne rokēme ha ambota; oime ahmo ohendúva che ñe'ẽ ha oipe'áva pe okē, aikéne hendápe ha acenáne hendi-ve, ha ha'e chendive.

**Hechos 5:31**

Upévape Tupā Ñandeyára omoi yvate, iyakatúa koïy, Príncipe ha Salvador ramo, iya haguā Israel retāme oñearrepenti ohupity haguā pendón ipecado kuéragui.

**Ezeguiel 18:21**

Ha yvypóra oñearrepenti paite-  
rō pe pecado oyapoakuégui, ha

oñongaturō opa pe che ñe'ẽ, ha oyapopa ramo pe juicio ha pe justicia, añete oikove vaerā. Noma-noichene.

**Mateo 6:14**

Peē peperdona ramo umi oya-  
po vaívape pende rehe, pende Ru-  
oīva yvágape pene perdona vaerā  
avei.

**Isaias 55:7**

Toheya pe ímpio pe itapevai,  
ha pe kuimba'e maligno pe ipen-  
samiento ky'a, ha toñearrepenti  
Tupā Ñandeyárape oñecompade-  
ce haguā hese. Tupā Ñandeyára  
ipoderoso ñande perdoná haguā.

Pepensa umi mba'e yvága pe-gua rehe, ha ani ko yvy arigua rehe.

— Colosoyguápe 3:2

Efesoyguápe 5:11

Ani peẽ peyehe'a umi mba'e ovale'ýva mba'eve ha pytunguy peguáva rehe; peikuaaka uvei ivaiha.

Isaias 1:16

Peyeyohei ha peñemopotí che renondépe, ha pepoipa pende pecado che resa renondégui, ha anivetei peyapo pe ivaíva.

Títupe 2:11, 12

Tupá Ñandeyára niko ohechau-ka na'ekue nandéve imboray-hu, oikuave'ëvo pe salvación opavave yvypóra kuérape, ha pe im-

borayhu ñane mbo'e yaheya ha-guã ívaíva ha yvypóra kuéra mba'e pota ha yaiko haguã ko yvy ári yererekokuaápe, hekópe ha nborayhu pópe Tupá Ñandey-ára peguarã.

I Juan 2:15, 16

Ani pehayhu ko mundo, terã umi mba'e ipype oíva. Oime ramo ohayhúva ko mundo, ndohay húi Tupá Ñandeyára ñande Rú-pe, opa ko mundo peguáva, ndoúi ñande Rúgui ko mundo mba'ente. Umi mba'e vaĩ pe máva ohayhú-va, pe tesa ohayhu ha ohechasé-va, ha pe yeyapo yvypóra reko reheguáva, opa umi mba'e niko ko mundo reheguá.

**Juan 3:3**

**He'i Jesús ichupe: Añete, añete ha'e ndéve, upe onace yevy pýahú'ýva, ndikatúi ohecha pe Tupá Ñandeyára reino.**

**I Juan 2:29**

**Peē niko peikuuaa Jesucristo imarangatuha, peikuuaa vaerā avei opa umi hembiapo porāvo Tupá Ñandeyára Ra'yha.**

**II Corintoyguápe 5:17**

**Upévarehe pe oñemopeteíva Cristo ndive ohupity tekove pýahú, umi mba'e tuya ohasapáma ha opa mba'e ipyahupa.**

**I Juan 5:18**

**Yaikuuaa opa upe Tupá Ñandeyára ra'ýva ndoikoiha opeca,**

**Tupá Ñandeyára Ra'y oñangare-kógui hese ha aña ndikatúi opoko hese.**

**Romayguápe 5:9**

**Ha ko'ágama katu yayererekó-mava hekopotíva ramo huguy rupi, Cristo ñande salva vaerā pe Ñandeyára cástigogui.**

**I Pedro 1:23**

**Peē niko penace yevy pýahú va'ekue, ndaha'éi ru yvypóra kuéra omano vaerā reheguágui.**

**Ezeguiel 36:26**

**Ame'ëne vaerā corazõ pýahú, ha amoïne peteí espiritu pýahú pende py'apype. Aipe'ane avei pende ro'ogui pe corazõ itaicha, ha ame'ëne he'ý peteí corazõ to'ogui.**

## Colosayguápe 3:1

Upévareche, peē peikove yevý-ma va'ekue Cristo ndive, peheka umi mba'e yvága peguáva, oguapyhápe hina Cristo Tupā Ñandeyára po akatúape.

## Efesoyguápe 2:1, 6

Ha Tupā Ñandeyára ñane moī-gove yevy Cristo Jesús ndive ha ñane mboguapy hendive yvágape upe mburuvichahápe ha'e. Tupā Ñandeyára pene moingove peē-me, ambue árape peē omanóva va'ekue pene rembiapo vai ha pende pecádope.

## Romayguápe 6:2, 11

Ñande niko ñamanoma va'ekue pecado peguarã, ¿mba'éicha pi-

ko upéicharamo yaikovevéta ipy-pe? Upéicha avei peē, peyere reko pemano va'ekuéicha pecado peguarã ha peikovéva ramo Tupā Ñandeyára peguarã, Ñandeyára Jesucristo ndive.

## Galaciayguápe 5:24

Ha umi Cristo mba'eva omo-mamóma va'ekue kurusu rehe pe heko yvypóra rehuela ipy'a yerure ha hembipota vaī reheve.

## I Pedro 2:24

Cristo ete voí ogueraha va'ekue ñande pecado kuéra hetépe kurusu rehe, ndayaikove véima haguã pecádope, yaiko haguã teko marangatúpe uvei. Ha'e oyekutu va'ekue peē pekuera haguã.

Juan 3:14, 15

**Ha Moise omopu'áhaguéicha mbói tave'ýme, upéicha tekotévē oñemopu'á Kuimba'e Ra'y. Opa oyerooviáva hese hekove apyre'ý haguá.**

Juan 17:3

**Kóva niko ha'e pe tekove tapia guarã ta nde kuaa hikuái ndéve nde añaiteha Tupã Ñandeyára añetegua, ha toikuaa Jesucristo-pe pe nde rembou va'ekue.**

Juan 3:36

**Pe oyerooviáva pe Ta'ýra rehe, oguerekó ma pe tekove tapia guarañá; pe oyerooviase'ýva pe Ta'ýra**

**rehe katu, ndoguerekoma'ái upe tekove, ohupity vaerã uvei pe Tupã Ñandeyára castigo ipohlyietéva.**

Romayguápe 6:23

**Angaipa repyme'ẽ niko ñemano, Tupã Ñandeyára me'embý rei katu tekove apyre'ý Cristo Jesús Ñandeyára pype.**

Juan 5:24

**Añetehápe ha'e peẽme: pe ohenidúva upe che ha'éva, ha oyerooviáva pe che mbou va'ekue rehe, oguerekóma tekove tapia guarã; noñecondena vaerãi, ohasáma manógui tekovépe.**

## Romayguápe 8:16

Ha pe Espíritu ete voi niko ñande py'apýpe oikuaauka ñandéve Tupā Ñandeyára ra'yha ñande.

## Isaias 32:17

Pe justicia rembi'apo niko ha'e vaerā paz, ha pe justicia taihupára katu reposo ha descando tapia guarā.

## Galaciayguápe 4:6

Ha ita'ýrama rupi peē, Tupā Ñandeyára omoī va'ekue Ta'ýra Espíritu pene corazōme, ha pe Espíritu he'i: ¡Che Ru!

## I Juan 3:18, 19

Che ra'ý kuera, yaporohayhu vaerā ndaha'ei ñande yurú pente yahechau ka vaerā uvei pe ñane

mborayhu iñañeteha ñane rembiapokue rupi. Kova rehe ikatu yaikuaa pe añete rehuguaha ñande, ha ñande py'aguapy vaerā Tupā Ñandeyára renondépe.

## I Juan 4:13

Yaikuaa ñaimeha Tupā Ñandeyára ndive, ha Tupā oihá ñande pype, ome'ẽ rehe ñandéve iyespiritu.

## Juan 14:21

Upe oikuaáva ha ayapóva che rembiapoukapy, ahechauka añetehápe che rayhuha. Ha che Ru ohayhu vaerā pe chéve che rayhuvape, ha che ahayhu vaerā avei ha ayechauka vaerā ichupe.

**Isaias 12:3**

Aipe'anearā vy'ape ko ý oña  
salvación fuéntepe.

**Romayguápe 14:17**

Pe Tupā Ñandeyára reino niko  
noíri ya'úva terā ñamboy'úva re-  
he, teko hekopetegua, py'aguapy  
ha vy'a Espíritu Santo rupinte  
uvei.

**Galaciayguápe 2:20**

Che amano va'ekue kurusu re-  
he Cristo ndive, ha upévarehe  
nda che véima pe oikovéva, Cris-  
tontema pe oikovéva che pype.  
Ko che rekove ko'āguaguá aroi-  
kove ayerovia rupi Tupā Ñande-

yára Ra'y rehe, pe che rayhu ha  
omano va'ekue che rehe.

**Juan 15:11**

Che añe'ē peēme péicha pevy'a  
haguā chendive, he pene renyhē  
haguā vy'agui.

**Salmos 16:11**

Ohechauka vaerā cheve ko te-  
kove tape, ha nderovaképe oī ka-  
tuete vaerā pe poder ha pe vy'a  
tapia guarā.

**Juan 17:13**

Ahátama ne rendápe, ha asē  
mboyve ko yvy árigui ha'e ko'ā  
mba'e kuéra henyhêté haguā avei  
ko vy'a che arekó vagui.

**Romayguápe 6:16**

Peē peikuaa porā peñeme'ẽ ramo mávape hembiguairā pene ñe'ērendú haguā ichupe, peē upéicharamo upe pende yára rembi-guái ha pene ñe'ērendú vaerā ichupe. Upéicha avei, pene ñe'ērendú ramo pecádope pende yára-peicha, upéva ogueru mano, terā Tupā Ñandeyára ramo, upéva ogueru teko potī.

**II Tesalonicayguápe 1:7-9**

Pe mba'e vai ñemi pu'aka niko omba'apóma hina, oha'arónte oyei mbytégui pe ko'aga oyokóva. Ha upéi katu oyehe chauka vaerā upe tekove tie'ŷ, Ñandeyára Je-

sucristo oyuka vaerā ipytúpe ha ohundi vaerā pe iguahē resapepe. Pe tekove tie'ŷ niko Satanaz remimbou, aguahē vaerā tuicha pu'aka ha techaukarā ha milagro yapu rehevē.

**Deuteronomio 11:26-28**

Peina ape che amoï ko'aga penderovake pe bendición ha pe maldición. Pe bendición pehendurō pe Tupā Ñandeyára mandamiento pe che ae aescribiba ko'aga. Ha pe maldición ohenduse'-ŷvape pe Tupā Ñandeyára mandamiento, ha amboguevine pe tape che amoïakuégui ko árape oyeoihaguā pe dioces aheno rapykuére oñekonoce'ŷvape.

## Mateo 10:32, 33

Oimeraẽva omombe'úva che reheguaha yvypóra kuéra rovake che amombe'u vaerã avei che Ru yvágape oïva rovake che heseguaha. Ha oimeraẽva he-iva yvypóra kuéra rovake nda che kuaaiha katu che avei ha'e vaerã hese che Ru yvágape oïva rovake ndaikuaaiha ichupe.

## Romayguápe 10:9, 10

Nde yuru rupi ere ramo Je-süs nde Yaraha, ha nde py'apýpe rerovia ramo Tupã Ñandeyára omoingove yevy hague ichupe omanóva apytégui, reyesalváta. Ñande py'apýpe yayerovia ya-

yerereko haguã heko potíva ramo, ha ñande yuru rupi ya'e yayeroviah Jesucristo rehe yaysalva haguã.

## Felipoyguápe 2:11

Ha opavave he'i haguã Jesucristo ha'eha Ñandeyára, oñembamba'eguasu haguã Tupã Ñandeyára pe Túvape.

## Lucas 9:26

Oime ramo che rerotíva chéve ha oguerotíva che ñe'ẽ, upévape aguerotí vaerã che avei. Kuimba'éicha ayu va'ekue yvy ári ayuha ára Réycha che Ru ha ángel kuéra marangatu glóriape.

## Efesoyguápe 6:11

Pemonde pe equipo Tupā Ñandeyára ome'eva peéme, ikatu haguā peime hatā ani haguā pene mbotavy aña.

## I Pedro 5:8

Peikokuaákena ha peñeñanga-reko pe mba'epochy pene rairōva oiko rehe león okororōvaicha pende yerekuevo oheka mávapepa ho'úta.

## Mateo 4:1, 10,11

Upéi pe Espíritu Santo ogueraha Jesúspe disiértope oipy'rā'ā haguā ichupe aña. Jesús katu he'i ichupe: Eyei ko'águi, Satanás, Tupā Ñandeyara Kuatiañe'ē Ma-

rangatúpe he'i: "Nde Yára Tupā renondépe reñesū vaerā ha ichupe añoite reservi vaerā." Upémaramo pe aña oheya ichupe, ha oguahē Jesús rendápe ángel kuéra oservi haguā ichupe.

## Hechos 26:18

Romomdo hendápe kuéra rehesape'a haguā ichupe kuéra, anive haguā oguata pytūnguy rupi tesapeha rupínte, ha anive haguā oiko Satanás poguípe, Tupā Ñandeyára poguypente, ha oyerovia haguā che rehe ha ohupity haguā upéicha rupi perdón ipecado kuérogui ha imba'erā kuérava imarangatuva apytépe.

**II Tesalonicayguápe 2:8**

Ha upéi katu oyehechauka vae-rã upe tekove tie'ý, Ñandeyára Jesucristo oyuka vaerã ipytúpe ha ohundi vaerã pe iguahẽ resa-pépe.

**Romayguápe 8:35, 37**

¿Mávapa ikatúne ñande pe'a Cristo mboray hugui? ¿Ikatúnepa oyapo pe yepy'apy, terã mba'e hasýva, terã persecución, terã nembýahýi, terã opívo, terã ñemongyhyye, terã yejuka kyse puke? Opáichavo, opa ko'ã mba'-épe ndaipóri ipu'akáva ñande rehe upe ñande rayhu va'ekue rupi.

**Hebreo 2:14**

Ha umi ta'ýra kuéra to'o ha tuguyguigua rehe, Jesús avei ho'ha huguy va'ekue ñandéicha, ohundi haguã imano rupi pe ikatu va'ekuépe oporoyuka, upëva niko hína aña.

**Santiago 4:7, 8**

Peñemoï, aipóramo, Tupã Ñandeyára poguy pe. Peñemohatá pe mba'e pochýpe, ha oyehui vaerã pende hegui. Peñemboya Tupã Ñandeyára rehe ha ha'e oñemboya vaerã pende rehe. Pecador kuéra, pemopotí pende po; ha peé pehayhuséva Tupã Ñandeyára ha mundópe, pemopotí pene corazõ.

## I Juan 3:14

Ñande yaikuaa yahasáma hague manógui pe tekovépe ya-hayhu rehe ñane hermano kué-rape. Pe ohayhu'ýva iñehermano omano gueteri.

## Galaciayguápe 5:22, 23

Pe Espíritugui katu ou mborayhu, vy'a, py'aguapy, paciencia, py'aporã, mba'eporã, yeroviahá. Yeyapo'ý ha yererekokuaa. Ndai-póri ley oñemoïva ko'ava ko'ã mba'e rehe.

## I Juan 4:20

Oime ramo he'íva: "Che aha-yhu Tupã Ñandeyárape," ha nda-iya'éi ave iñehermano rehe, iya-

pu. Pe ohayhu'ýva iñehermano o-hechávape, ¿piko mba'éicha oha-yhúta Tupã Ñandeyára ha'e ohe-cha'ývape?

## I Corintoyguápe 13:1

Añe'ẽ ramo yepe kuimba'e ha ángel kuéra ñe'ẽme, ha ndaporo-hayhúi ramo, mba'e pararã terã platillo tintin rei che.

## Juan 21:16

He'i ichupe mokõihá yevy: Si-mon, Jonás ra'y, ¿che rayhupa? Pedro he'i ichude, (Jesúspe): Upéicha, che Yara, nde niko reikuua rohayhuhu. Jesús he'i ichupe: Aipóramo eñangareko ché-ve ovecha kuéra rehe.

**Romayguápe 4:25**

Upe oñeme'ẽ va'ekue omano haguā ñande pecado kuéra rehe, ha oikove yevy yaye rerekó haguā hekopotíva ramo.

**Hechos 10:39-41**

Ha ore kuéra opa umi mba'e Jesús oyapo va'ekue Judea ha Jerusalénpe rechahare. Ha upéi oyuka va'ekue hikuái ichupe omosaingó ramo ichupe kurusu rehe. Opáichavo Tupã Ñandeyára omoingove yevy va'ekue ichupe mbobary arahápe ha oheya oyechauka oréve. Ndoyechaukái opavavépe oréve añónte, Tupã Ñandeyára ore poravo va'ekuépe ymaite guive mba'e rech-

aharã ramo. Ore rokaru ha ro'y'u va'ekue hendive oikove yevy rire omanóva apytégui.

**Juan 20:26-28**

Uperire ocho días haguépe, Jesús remimbo'e kuéra oñembýatý yevy pýahu peteñ ógape, ha upéramo Tomás oĩ hendive kuéra. Ha umi okẽ oñemboty ramo yepe, Jesús oguahẽ ha oñemoĩ mbýtépe kuéra ha omomaitei ichupe kuéra he'ivo: Ta pendé py'aguapy yoaite. Upéi katu he'i Tomásme; Emoinge ko'ápe ne kuã, ha ema'ẽ che po rehe, ha emoinge nde. Upéramo Tomás he'i: ¡Che Yára ha che Tupã!

Juan 5:25, 28, 29

Añetehápe ha'e peẽme, oguã-héhá ára, ha ko'ágamahá voi, umi omanóva ohendu vaerã pe Tupã Ñandeyára Ra'y porohenoi; ha umi iñe'ērendúva ichupe oikovéta. Aníketei pehecharamo kóva, oguahé vaerã gueteri ára ha umi omanóva oïva oñeñotý haguépe, ohendu vaerã avei iporohenói. Ha osẽ vaerã pe oñeñotý haguégui. Umi hembiapo porã va'ekue oikove yevy vaerã tapiaguarã; umi hembiapo vaĩ va'ekue katu, oikove yevy ha oñecondena vaerã.

Romayguápe 6:3-5

¿Ndapeikuaái piko ñande Cristo Jesús reheguáva yayebautiza va'ekue, yayebautizahague imanóme? Ha upéicha, pe bautismo rupi, ñañeñotý va'ekue Cristo ndive, yaikove yevy ha yaiko haguã tekove ipyahúape, Cristo oikove yevy haguéicha omanóva apytégui pe Túva pu'aka oyayaipáva rupi. Ñañemopetei ramo Cristo Ndive ñamano haguã pe ha'e omano haguéicha, upéicha avei ñane peteíta hendifive yaikove yevy haguã, pe ha'e oikove yevy haguéicha.

**Lucas 1:74, 75**

Ñande pe'áne haguā umi ñande rehe iya'e'ýva poguygui yaserbi haguā ichupe Kyhyye'ý rehe. Teko marangatu pópe ha hekoitépe hesa renondépe yai-kove aya pukukue.

**II Corintoyguápe 7:1**

Ko'aga ha'éta peême umi mba'e peporandu vae'kue chéve rehe pende kuati añe'eme. Iporā pe Kuimba'e omenda'ý ramo.

**II Timotéope 2:21**

Ñandeyára ikatu haguā oiporu iporavarame pe máva oñemopotí vaerā umi mba'e ivaívagui, ha imarangatu vaerā, upéi-

cha ramo iporupyrā vaerā oime raëva mba'e iporavape.

**I Pedro 1:2**

Tupā Ñandeyára, pe Túva, pende poravo va'ekue peême oikuaapágui pe tenonderáguá, ha pe Espíritu rupi pene momarangatu va'ekue pene ñe'erendú haguā ichupe ha pene mopotí haguā Jesucristo roguýpe. Imborayhu ha py'aguapýgui ta pene renyhëté.

**I Pedro 1:15**

Upéva rangue ta pene marangatu uvei opa peyapóvape imarangatu rehe pe Tupā Ñandeyára pene renói va'ekue.

## Hebreo Kuerápe 13:12

Upéicha avei Jesús omano va'ekue pe ciudad rokárape o-poromomarangatu haguā huguy teete rupi.

## I Juan 1:9

Ñamombe'u ramo Tupā Ñan-deyára ñande pecado kuéra katu, ha'e ifiel ha ijusto operdona haguā ñande pecado kuéra ha ñane mopotí haguā opaite ñane rembiapo vaikuégui.

## Mateo 3:11

Che niko añete pobautiza ýpe peñearrepenti haguérehe, po oúva che rapykuéri katu pende bautizáta Espíritu Santo ha ta-

tape. Ha'e ko ipu'akaiteve che hegui upéicha rupi chéve nda'i-yái isapatúnte yepe araha haguā ichupe.

## Efesoyguápe 1:4

Tupā Ñandeyára niko ñande poravo va'ekue Cristo ndive o-yapo mboyve ko mundo, ñane marangatu ha ñande culpa'y haguā henondépe.

## Isaias 35:8

Ha upépe oí vaerā peteī tape, heravaerā Tape marangatu; pe yvypóra itayasúva ndohasai-chene upe tape ári. Upéva niko pe tape porā umi imarangatú-vape guará, ha opa umi itarovóva yepe ndoyavýi vaerā.

# PE KUIMBA'E HENYHĒ VAERĀ ESPÍRITU SÁNTOGUI

## Hechos 13:52

Umi Jesús rehe oyerovia va'-ekue katu ov'a eterei hikuái ha henyhē Espíritu Sántogui.

## Hechos 1:8

Opáichavo, ou rire pe Espíritu Santo pende ári, perekóta pu'aka, ha pesēta pe chemoherakuā haguā Jerusalénpe, ha Judéape opaite henda rupi, ha Samáriape, ha ko yvy pahaite peve.

## Romayguápe 8:9

Peē katu ndapei kavéima yvy-póra rekópe, Espíritu rekópente uvei, Tupā Ñandeyára Espíritu

oīgui pende pype. Pe oguereko'ý-va pe Cristo Espíritu, ndaha éi Cristo mba'e.

## Hechos 4:31

Ha oñembo'epa rire, upe óga ha'e kuéra oī hague oryrí; ha ha'e kuéra henyhembá Espíritu Sántogui ha omoherākuā Tupā Ñandeyára ñe'ē kyhyye'ý rehe.

## Ezeguiel 36:27

Ha amoī vaerā pe che Espíritu pende py'apype, ha peikone pe che estatuto rupi, ha pe ñongatúne avei ko che ñe'ē, ha pe yapýsakanearā.

# PROMESA MA'EMBÁPORĀVA CRISTIANOCUÉRAPE 43

## Salmos 34:18

Hi'amŷi Tupa Ñandeyára umi icorazō guebrantadogui, ha o-salva avei umi iyespíritu guapý-vape.

## Salmos 37:3

Eyerovia Tupā Ñandeyára re-he, ha eyapo iporāva, ha reikove-vaerā yvy ári, ha nde sambyhy-nearā upe anetégui.

## I Pedro 4:12, 13

Che ryvy kuéra ahayhuetéva, ani peñemondýi pe hasa asy ramo ku tata mbyte rupi pehasa ramo guáicha peñepy'ara'ā ha-guā oyehu ramo guáicha peẽme mba'e peha'arō'yva. Pevy'a uvei iya rehe peẽme pehasa asy pe

Cristo ahasa asy haguéicha, ikatu haguā avei pene renyhē vy'águi ha'e oyehechauka ha'ára oñemo-mba'eguasu haguā.

## Apocalipsis 21:4

Tupā Ñandeyára omokā vae-rā hesay kuéra, ha ndaiporivéi-ma vaerā mano, terā tasē, terā yahe'o, terā mba'asy, opa umi mba'e yma oī va'ekue obasapá-ma rehe.

## Isaias 66:2

Che po oyaropa va'ekue voi entero mba'e, ha upe'are ko'áva oimbá, he'i Tupā Ñandey-ára. Ha amañanearā umi iyespi-ritu poriahuva ha iyehumildeva rehe, ha ohayhuva pe che ñe'ë.

# PROMESA UPE OÑETENTÁVAPE

## Romayguápe 8:28

Yaikuua Tupā Ñandeyára opa mba'e ombohapeha iporávarā umi ichupe ohayhúvape, umi ha'e ohenói va'ekuépe oyapose haguéicha.

## Isaias 43:2

Āga pe hasarō yave pe ýrupi, che aimene penendive, ha pe rio rupi katu, na pende mboyaho-gaichene. Ha pe hasarō upe tata rupi, na pende rapyvaerāi, ni upe tatarendyguasú oyane pende rehe.

## I Corintoyguápe 10:13

Umi yepy'ara'ā oúva pende ári ou avei opavave yvypóra ári.

Peē peyeroviakuaa Tupā Ñandeyára rehe, ha'e ndoheya vaerāi oyehu peēme mba'eve ikatu'y vaerā peropu'aka. Upeva rangue, pe-yep'yara'ā vove Tupā Ñandeyára pene pytyvō vaerā peropu'aka haguā, ha ome'ẽ vaerā peēme mba'eichapa pesē haguā ha ikatu haguā peropu'aka.

## Romayguápe 16:20

Ha pe Tupā Ñandeyára ñane mbopy'aguapýva voiete omoíta Satanásme pende pyguype.

## Salmos 34:19

Hetaite voí pe imarangatúva aflicción, ha enterovetégui olibráne ichupe Tupā Ñandeyára.

## Apocalipsis 3:21

Pe ovencévape amboguapýta chendive che trónope, pe che avence haguéicha ha aguapý che Ru ndive itrónope.

## Apocalipsis 3:5

Pe ovencéva oñemonde vaerã ao morotíme ha ndaipe'ái chéne héra kuéra pe kuatiañe'ẽ tekovete reheguágui, amombe'u vaerã uvei pe héra che Ru ha hiángel Kuera renondépe.

## Apocalipsis 3:12

Pe ovencévape, amoïta columna ramo che Tupã Ñandeyára tudaópe, ha opyta vaerã upépe tapia guarã, ha hese amoïta che

Tupã Ñandeyára réra ha pe che Tupã ciudad réra, pe Jerusalen pyahu ogueyýva yvágagui, che Tupã Ñandeyára rendágui, ha amoïta avei hese che réra pyahu.

## Apocalipsis 21:7

Pe ovencévape oñeme'ẽ vae-rã ko'ã mba'e herencia ramo, ha che vaerã Tupã Ñandeyára ha ha'e che ra'y vaerã.

## Apocalipsis 2:7

Pe iyapysáva, tohendu pe Espíritu Santo he'iva umi iglesia Kuérape. Umi ovencévape ha'ukáta pe yvyra mata oikovévagui oíva Tupã Ñandeyára paraísope.

## I Corintoyguápe 7:10, 11

Umi omendávape katu ha'e, pe tembireko ani oheya iménape, ha pe ména ani oheya hembirekópe. Kóva ndaha'éi che ñe'ē, Ñandeyára rembiapoukapýnte. Pe tembireko oheya ramo iménape katu, opyta vaerā omenda'ŷ rehe, terā oiko porā yevy vaerā iména ndive.

## Romayguápe 7:2, 3

Pe kuña omendáva niko oyauyu iména rehe ley rupi pe iména oikove aya; pe iména omano ramo katu pe kuña oyei pe ley

poguýgui omboyuayu va'ekue ichupe iména re he. Upéicha rupi ha'e oiko ramo kuimba'e ambue ndive pe iména oikove aya, omongý'a imendare. Iména omano ramo katu, ha'e oyei upe imendare rehegua ley poguýgui, ha ikatu omenda Kuimba'e ambue rehe omongý'a'ŷ rehe imendare.

## Mateo 5:32

Che katu ha'e peẽme, peteĩ kuimba'e opoí ramo hembirekgui, omuakarati'ŷ rehe ichupe, ombuaiuka ichupe pe imendare, ha pe omenda'va pe ipoipýre rehe, upeva avei ombuai imenda.

## Juan 14:3

Ha aha ha ambosako'i rire  
pene rendaguā ayu yevýta pogueraha haguā chendive, upéicha-  
ramo peē peiméta pe che aimeta-  
hapete.

## Marcos 8:38

Che rerotíva chéve ha oguero-  
tiva che ñe'ẽ ko ñemoñare ky'a  
ha infiel renondépe, che kuimba'-  
éicha ayu va'ekue ko yvy ári atí  
vaerā avei hese ayu ha'ára che  
Ru glóriape ángel kuéra maran-  
gatu ndive.

## Mateo 24:30

Uperō ko kuimba'éicha ou va'-  
ekue yvy ári señal oyehecha va-

erā yvága rehe, ha opa tetá ru-  
pigua Kuéra oyahe'opa vaerā  
ha oyehecha vaerā pe kuimba'éi-  
cha ou va'ekue yvy áripe ou ra-  
mo arai apytépe pu'aka ha mim-  
bipa reheve.

## Santiago 5:8

Perekókena paciencia peē avei  
ha ani pende py'akangýtei hi'a-  
guíma rehe Nandeyára ou haguā  
ára.

## Mateo 24:27

Pe ára vera oyehecha háicha  
kuarahy resē guive kuarahy rei-  
ke peve, upéicha vaerā ayu ha'-  
ára che kuimba'éicha ayu va'ekue  
yvy ári.

## Lucas 21:27

Uperō oyehecha vaerā ko kui-mba'éicha ou va'ekue yvy ári óuvo arai ári tuicha pu'aka ha mimbipa reheve.

## Apocalipsis 16:15

Upéicha árape che ayu vae-rā monda háicha. Ovy'a vaerā upe che ra'arōva ha oñangarekó-va iyao rehe, ani haguā oyeyuhu opívo ha oyehecha pe oguero-tiva.

## I Juan 3:2

Che ryvy kuéra ahayhuetéva, ko'aga voi ñande Tupā Ñande-yára ra'ýma, ha ndoyehe chaukái-gueteri mba'e vaerāpa gueteri

ñande. Opáichavo, yaikuua Jesu-cristo oye hechauka ha'ára ha'e-i-chataha ñande yahecháta rehe i-chupe ha'e haichaite.

## Lucas 12:40

Peē kuéra ke peñembosako'i avei, peimo'á'yvē yave ou vaerā-gui pe kuimba'éicha ou va'ekue yvy ári.

## Hechos 1:11

Ha he'i ichupe kuéra: Peē kui-mba'e Galileaygua, ¿mba'erehe piko pepyta pema'ẽ péicha yvá-ga rehe? Ko Jesús ete voi oyehu-pi va'ekue pende apytégui yvá-gape, ou yevy vaerā upe pehe-cha hagueichaite oho.

# ÑANDEYÁRA ÑE'Ē

Salmos 119:11

Pe ne ñe'ē moñepyrū ñande  
resape porā voi.

Lucas 21:33

Yvy ha yvága ohasa vaerā, che  
ñe'ē katu ndohasa vaerāi.

Mateo 22:29

Jesús he'i ichupe kuéra: Pe ye-  
yavy ndapei kuaáigui Tupā Na-  
ndeyára kuatiañe'ē ha pe Tupā  
Ñandeyára pu'aka.

II Pedro 1:21

Jesucristo rupi niko peē peye-  
rovia Tupā Ñandeyára rehe, upe  
omoingove yevy va'ekue ichupe

omanóva apytégui ha omo-  
mba'eguasú ichupe pe pende ye-  
rovia ha pende esperanza pere-  
ko haguā Tupā Ñandeyára rehe.

Salmos 119:105

Lámpara guáicha ha'e che  
pýpe pende ñe'ē, ha tesape re-  
ndýicha che rape rame.

II Timotéope 3:16

Pe kuatiañe'ē Marangatu oi-  
kopa va'ekue Tupā Ñandeyára  
remimoïuka rupi, oporombo'e,  
ha oporomomarandu haguā, opos-  
romuatyrō ha oporohekombo'e  
haguā pe hekopeteguáva rehe.

**Si tiene preguntas, o para obtener información adicional por país  
visite: [wmp-contacts.org](http://wmp-contacts.org)**

Publicado en otros idiomas de acuerdo con las  
finanzas que Dios provee en respuesta a la oración.

World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

